



《六門教授習定論》第六門（有依）修定人



1. 釋#36 頌： 修定人果



1.1. 云何修定人果？


#36)頌曰：於此定門中，所說正修習，俗定皆明了，亦知出世定。

1.2. 此頌意顯修習奢摩他、毘鉢舍那者，獲現果故。

若人能依所說定相修習之時，得諸世間勝果圓滿，及出世果；如前已說。

2. 釋#37 頌：


六種圓滿



2.1. 問曰：如上所說，欲明何事？

#37)答曰：顯意樂依處，本依及正依，世間定圓滿，并了於出世。

2.2. 釋曰：略說義周，為會前事故，說斯頌。



2.2.1. 如最初云：求脫者，為顯意樂圓滿。

2.2.2. 積集者，依處圓滿；此明有心修定，必須依託積集資糧故。

- 2.2.3. 於住勤修習者，顯本依圓滿；
如經中說：佛告諸苾芻，汝等先當依定，能盡有漏，是我所說，若欲
求出生死海者，離於正定無別方便。
- 2.2.4. 得三圓滿者，顯正依圓滿；明師資承稟決定可依。
- 2.2.5. 有依修定人者，此顯修習圓滿。
- 2.2.6. 諸有智者，如前所說，遠離放逸正修行時，世間諸定悉皆圓滿，
及出世間咸能證悟，顯得果圓滿。